

明書



志十四

戎馬志三

海防之兵明初未嘗設及洪武二年倭寇山東寇崇明又寇惠州乃命行人楊載翕聖書諭其國王長懷長懷乃遣祖來貢方物三年寇山東轉寇浙福傍海諸郡五年寇海鹽澈浦温州乃始命浙福造海船防倭六年遂以於顯爲總兵官出海巡逐未幾復寇登萊七年寇膠州帶海侯吳禎擊之於琉球大洋斬俘甚眾二十三年續貢後以

明書卷七十二

倭使如瑤坐通胡惟庸事敗發雲南始令信公和築登萊至浙東西防倭衛所是冬又令江夏侯周德興築福建海上十六城二十六年寇金鄉明年救魏公輝祖安陸侯吳傑練兵海上絕其貢不與通勒之祖訓永樂二年寇浙直乃命太監鄭和諭其國王源道義源道義乃縶其渠魁以獻復令十年一貢正副使毋過二百人若貢非期入及人船踰數或挾兵刃以盜論然倭時時掠海上不爲數十九年寇遼東左都督劉江設奇鐵之封廣甯伯倭自是不窺中國者數十年蓋始張士誠方國珍操海上諸郡人習兵及張方擒滅而通者悉航海附倭以故倭患特數已而增

戍守招沿海島人蛋戶賈豎漁丁爲兵於是海防益嚴正統中犯桃渚入大嵩焚殺慘下防倭之令申飭備至嘉靖中貢使相挺起爲變詔諭乃解已禁市舶而中國大尉入據海中與倭相糾結爲寇愈熾數十年有大盜十四蹤至穆宗時寇碣石以致叛將周雲翔與合久乃勸定後乃以海上爲要邊云沿海郡縣備倭大鎮有廣東福建浙江江南淮揚山東薊遼凡七各有督撫重總軍務又有專教果臣備兵事有總鎮大將軍職調度又有參遊而下司哨守各屯劄要在廣東則有東中西三路東路扼全粵之上游於榆林碣石各設把總而惠潮則設參將南粵又有漳潮

明書卷七十二

副總兵以控之中路防省會之大洋則於虎頭關設把總廣海設守備而廣州則有海防參將西路遏番賊之突入而潤州則有遊擊雷廉則有副總兵瓊州白沙塞則有把總崖州又有參將粵之海防如此在福建設水寨五一曰漳州銅山寨領以把總又於舊轄玄鐘所增遊兵寨設南澳把總領之而聽節制於漳州之總兵一曰泉州浯澳寨領以把總而又特於南路設副總兵兼轄起祥芝直抵廣東界焉一曰興化南日寨領以把總於海壇亦設把總各以兵分哨海汛一曰福州小瑯寨領以把總又特於中路設參將兼轄起懷湧直抵泉州之祥芝一曰福甯州烽火

門寨領以把總又特於北路設參將兼轄起福甯抵廉湧
閩之海防如此在浙江有六總金鄉磐石二衛設把總一
轄温州沿海四百餘里而節制之以溫處之參將松門海
門二衛設把總一轄台州沿海五百餘里而節制以金台
嚴之參將昌國衛設把總一領本衛及在外前後錢僻四
所與遊徇寨起石浦抵南湖頭定海衛設把總一領本衛
并在外後所需衛大嵩中中左五所南起湖頭北抵管
界外及舟山觀海臨山二衛設把總一領甯紹西自三江
東至龍山延袤三百餘里及在外金家畚而皆節制之以
甯紹之參將海甯衛設把總一領浙西沿海起蟹子門抵

明書卷七十二

三

金山衛五百餘里皆屬焉而節制之以杭嘉湖之參將浙
之海防如此在南直隸蘇松專防海常鎮兼防江由浙而
東乍浦以東則金山衛扼其衝於是設參將華亭之柘林
上海之川沙隄賊曾據以為巢則各設把總由松而蘇黃
浦以北則吳淞江口當其吭於是有一總兵之特屯劉把總
之分哨守遊兵把總之司策應若太倉之劉家港常熟之
福山港各設水兵把總司堵截至於崇明孤懸海中為賊
所必經之地特設把總屯竹箔沙營而與營前沙之把總
合會哨由蘇而常而鎮於揚舍設守備於圖山設把總雖
分有防江之責均之有巡洋之任者在淮揚則江海淮三

者并防矣寥嘖離之大河口突出東南則設把總苦嶺山
為通州門戶則設把總通州為全揚門戶則設總兵又設
把總於周家橋以防泰興之衝犯又西設三江會口把總
設儀真守備以防內地之突入其自海門北為顧港則設
守備又自新橋港轉而為鹽城則設守備北為廟灣設遊
擊以防東海各岸之登犯渡淮自雲梯關以東為東海守
禦所設把總以防山海入淮之路又於揚州設陸兵營遊
擊以待調遣直隸之海防如此在山東登州凸臨海上東
南北三面并防萊州青州亦二面臨海故青自嶺榆界於
安東衛設守備萊自古鎮而東於靈山衛之沙溝設守備

明書卷七十二

四

又於卽墨設守備於登之萊陽大嵩衛設守備又折而東
北則於文登設守備以協防東南兩面之險又於府治北
特設副總兵竝設水陸兩遊擊分扼港岸前哨旅順以協
防北海一面之險又西為萊之西北界於王徐寨設守備
防守白狼新河等九海口又西於府治設遊擊南策卽墨
北應王徐又西於青州設遊擊南策安東北守唐頭與武
德二守備之聲援相接山東之海防如此在薊遼自天津
東抵鴨綠沿海一千餘里竝置守備為京師左翼故自大
沽海口宿重兵以副總兵領特專防守而陸營設守備水
營設遊擊自寶坻之草頭沽抵豐潤之黑雞坨各以入衛

兵派守又有西協兩營騎兵及密雲海防遊擊兵爲應援
自灤州之秦沙河抵山海之石河口各設營軍及班軍派
守而又有東協兵及永平海防遊擊兵爲應凡以扼塞關
右之要害也關以外則中前屯中後中右左五所之兵
派守芝蔴灣抵望虎臺而應援則屬之甯前參將又以杏
山錦州松山大凌義州右屯鎮武西平之軍派守筆架山
抵柳河口而應援則屬之總鎮左右翼之營兵凡以控制
廣甯之襟吭也若三岔以東則海蓋復金各以本營兵派
哨海口又南而旅順一口跨登接遼則守之以金復參將
哨之以登州水兵遊擊又東而九聯城以外則鎮江城設

明書卷七十二

五

遊擊與寬奠參將相聯絡凡以固鴨綠之肩鎬也而薊遼
之防海者如此及後全遼淪沒天啓中於皮島特設重鎮
屯兵數萬歲費不可勝舉雖意不專於海而海上可謂嚴
固矣自毛文龍殺於是皮島撤隨撤而陷東海之防疏雖
喪亡之事不在海上而考古者不能無遺憾焉
緝兵於國家額設營兵而外民間之兵所在而有初起角
祿用爲戲或有警暫相團結保鄉曲後廟堂因人言常徵
調之河南嵩溪諸縣曰毛葫蘆兵長於走山習短鎗而嵩
縣盧氏永甯靈寶多礦兵又曰角腦曰打手山東有長竿
手以習長竿故名徐州有箭手其人善騎射真定之井陘

日螞蟬手善遷石如碗大者可百步保定涿州皆勁兵所
產處而陝西土兵更勇健僧兵推少林次則伏牛又次爲
五臺閻漳泉間人習鐮牌而水戰爲諸兵最新兵獨處州
雄用於水則不逮處之外義烏次之溫台又次之其兵習
復甌直隸竈丁鹽徒習舟與海獅可用爲水戰江右之安
遠龍南地瘠而貧民相率爲兵大旗長鎗東粵俗雜蠻喜
擊刺各習長牌砍刀而新會東莞之產半焉是外西南彝
服之兵亦曰土兵黔蒙氏兵粵西瓦氏東蘭那地南丹歸
順諸州俱曰狼兵楚九溪有苗兵有鉤鐮矛弩諸技其法
每司立二十四旗旗十六人合之則三百八十四人每旗

明書卷七十二

六

一人前次三人橫列爲重二又次五人橫列爲重三又次
列七人重四又列七人重五餘俱置後助譟呼爲聲若前
卻則二重居中者更進兩翼亦然選法極下則宣慰額天
祭以白牛置牛首及金於几令曰誰爲勇者予此金味之
以牛首已棄而收之更盟而食之樹爲長卽每旗十六人
者是也其選募精其節制嚴故戰不可敗其調注分二班
更調人給一金計所調兵若干歲須金若干則先以三分
之一給道里費庶不煩有司而途無稽滯其督法則統以
憲臣宣慰主禁令調官主聚泊泊則視官奉旗幟舟如魚
貫然詰朝行毋登岸其實法有功者人三十金而予之而

厚資其主者優以官比歸護以憲臣仍前弘治中平思明正德中不蜀多其力嘉靖時倭亂調至三千人後復調六千而私實加一倍云先是癸丑六月少林僧兵應募至者曰月空等四十人俱持七尺鐵棍重三十斤運旋便捷如筇杖征倭出死力海上莫勒於鹽丁其人以販鬻為業成化初毛里孩寇陝阿東鹽徒千百為羣自備火砲戰車精弩雜官軍隊中殊死鬪寇絕河捆載以歸而松潘涇鹽丁尤夥曾征倭屢斬獲受上賞邊關多夷丁有虜攜妻子內附者予餉官納其家入營雜漢人為兵各鎮俱有之曰漢夷營實籍入冊他皆無兵籍有事時徵選調發焉

明書卷七十二

七

郡縣民兵太祖初起兵卽立管領民兵萬戶府諭行中書省臣曰古者寓兵於農兵強食足今海內紛爭當因時制宜所定郡縣民間豈無武勇之材宜精加簡拔編緝為伍立民兵萬戶府領之俾農時則耕閒則練習有事用之有功陞擢無功者還為民如此則民無坐食之弊國無不練之兵庶幾寓兵於農之意其後天下稍定始建武衛練以軍軍有屯俾得自耕作久之法乃益廢勢不得不僅於民民竭力餽軍而軍復飢餒不足用於是始出召募令正統二年還所在軍餘民壯願自効者分隸操練於陝西得四千二百人人給布二匹月糧四斗景泰時令廣選民兵卽

以所在官統領遇警調用憲宗卽位陝西更選土兵土兵與民兵意同二年虜毛里孩入寇撫臣盧祥言近選土民習見虜可練為兵於是敕御史如延安慶陽集選壯者編為什伍量復徭役號曰土兵原僉民壯悉改號由是土兵強虜遁去是法獨行於延安後亦輒廢弘治中給事中孫需奏州縣七八百里以上里僉民壯五名五百里四名三百里三名百里以下二名其成額多者仍舊必於丁糧相應之家取之人免戶二丁雜役若老死及全戶消乏者別抽補籍年貌在官有司率領與軍士同練習憲司及御史以時簡閱焉鄰封有警調發應援給行糧而禁役占買畝

明書卷七十二

八

之弊民壯之額郡縣所在而有其間富民不欲身受役則上其直於官官自為招募亦或稱機兵在巡司則為弓兵然雖名兵實不任受甲其後民壯漸為衙役供有司傳送句攝而已嘉靖中都御史翟鵬言直隸山東河南民壯多缺乞補如額而別簡丁壯為義勇於農隙練操其在山西者戍三關上曰近虜入山西由鴈門諸關失守三關別無兵馬而儘賴先年暫設民壯非可以捍禦况今所在災傷不宜復騷動其姑已之至二十二年兵部因廷議復請增州縣民壯之額大者千名次八九百六七百小者五百報可明年兵尙書戴金言州縣民壯有額設有新增又有義

勇有馬快手而往往不獲實用則以經略未善故也宜屬之兵憲官督所司簡練誠謂民兵練則無藉客兵而軍衛亦免清勾卒民壯無餽餉而多役使遂汰民壯每縣不過數十名應捕專緝捕復選民間年力精壯者籍於官曰鄉兵暇歸農遇節序操練之有警用守城或捕逐盜賊而弗征調懷宗時天下多故大盜起郡縣不支時楊嗣昌爲本兵奏天下郡立操備官州縣立練總官各選鄉勇郡千名州縣因其大小爲多寡寡不下三百名民供其操模往往練備練總恣威福役若奴有盜情株連莫引無休期百姓苦供應而城陷者終陷卒無救於地方徒滋毒焉

明書卷七十二

九

召募之兵明初無有也正統中始募天下軍餘民壯爲兵景泰初復令廣召募卽以所在官司統領遇警調用然猶之民也弘治中以虜警抽編無警許罷役遂有常餉沿至正德遂令分戍番操無復休息兵尙書王瓊請量罷之不聽肅宗深知其弊而未遑清理及復爲眞兵矣先是每召募歲下原爲兵者報名郡縣保以里老都佑始上之督撫選其軀幹雄武力足勝甲冑或狡捷能投超者用之逃易提察老不能戰許其歸農別爲補役正兵外有羨兵有衝鋒各將官有家丁皆益食餉而末年復有投順兵招撫兵或賦受撫者卽爲兵予餉益濫恣驕橫不可使而召募則

不問其鄉貫羣而投羣而收稍繩束卽譴殺長官掠而去卽官馬爲剽資官司柔撫之復就伍置不問卽處去卒往他鎮投爲兵官司喜其有馬匹器械不詢其來歷卽驕索之稍禁飭則大譁而去或入賊巢爲勁賊天啓崇禎中用內官爲監視所召募兵曰監標皆此輩城市晝攫况乎郊野莫可誰何其尺籍皆趙大錢二或王得勝李得功而無一正名遇征討避賊遠遁去舊隸軍兵亦相視而效之卒不得一卒力迨季年行抽練法驕者益驕情者益憤而兵政遂大壞矣

明書卷七十二

十

并錦衣等衛所官旗軍人及邊腹額兵共三百一十五萬八千一百七十三員名中年事故少缺額不補止一半有餘至嘉靖中天下多故復復原額而益以末年召募之兵及諸附籍歸順之兵不下四百餘萬而無救於敗亡悲夫

馬政

明初設太僕寺於滁州後定都於北平又設太僕於京師凡兩淮及江南馬政屬南太僕寺順天等府及山東河南馬政北太僕寺主之其後用言官言府州縣添設佐貳官專民馬之政在外則設行太僕寺三苑馬寺三於山東陝西遼東各轄六監二十四苑惟遼東一監二苑咸置卿

貳焉凡馬政曰民牧曰衛牧曰京府寄牧凡牧地曰草場曰荒地曰熟地嚴其禁令而封表之凡牧人曰恩軍曰降軍曰改編軍曰充發軍曰召募曰抽選軍皆籍而食之凡民牧人視其丁產而授馬種馬壯十二北十八北壯五歲而徵馴曰需用馬齊其馬力以給邊邊馬足寄牧於畿府而府甸土不宜馬及人民耗者徵馬金匹十兩凡馬駒十八年而免定項馴重駒而籍之報馴有常期凡馬肥瘠登耗籍其毛齒而時省之三歲寺卿偕御史二人印烙選其良壯其羸劣凡草場歲徵其租金地畝十七椿朋十災祲出之佐牧人市馬凡租金有恩蠲及災蠲馬金有災蠲無

明書卷七十二

上

恩蠲卽蠲必轉移相抵不得虧軍賦行太僕職掌與僕卿不異而邊衛營堡府州縣軍民壯騎操馬皆主印烙課募牧而時督察之其衛牧錦衣旗手等衛五軍神樞神機等營各設有草場於畿甸放牧歲春末夏初各營馬除存留聽用外餘命坐營官一人領下場牧九月終回營而時遣科道官點閱視馬例死軍亡者指實奏其種馬上苑萬匹中苑七千匹下苑四千匹不及則出帑金及茶與諸番易馬而洮州河州西甯各置茶馬司主之法上馬茶百斤中馬七十斤下馬五十斤而番族納差撥馬萬四千餘匹以爲常洪武初諭刑尙書劉惟謙曰馬政國之所重設太僕

俾畿甸民養馬恐所司收養失宜或害養馬民皆當告戒之昔漢初一馬值百金天子不能具鈞駟及武帝時梁庶街巷有馬阡陌成羣遂能北征強胡威服戎翟唐初幾得隋馬三千及張萬歲爲太僕至七十餘萬此非官得其人馬政修舉故耶爾其爲朕申明馬政嚴督有司盡心芻牧務底蕃息有不如令者罪之始江南人以十戶養一馬江北乃戶養一馬上念其不均命江北民增五戶養一馬戶仍給鈔三百貫優之命太僕江南北各存游牝萬匹爲羣生種馬餘悉發草地放牧其飛熊廣武英武三衛牧馬亦如之會言者謂大甯會州山河三衛所屬驛馬皆屯軍牧

明書卷七十二

上

養軍貧者衣食且不給何有於馬以故歲捐瘠者多宜令官覈貧者歸營屯而各選軍士有丁產者以充便從之太宗卽位諭兵部曰比聞民間馬價騰貴蓋民不得私畜也漢文景時閭里馬千百爲羣民有亦國之有許天下軍民得畜馬官府勿禁六年禮尙書劉觀言各衛馬多恐有疾宜預市藥備醫療上笑曰唐時馬役多至七十萬未聞有預備之藥善畜馬者但水草得時牧養如法自然無疾今天下衛所及太僕馬益多若皆需藥豈不大斂民力爾徒知恤馬不知恤人也觀漸退太僕卿楊砥奏言近馬蕃息而牧養之人請令民十五丁養種馬一匹五羣頭一八五

十四立羣長一人養馬之家歲免其糧草之半凡種馬倒死羣生不及數賣之價盡做熙甯保馬法意行之遂世爲北方患尋上諭兵部言朔馬故多馬本土宜亦其人習畜牧而然今驍官居閑者多可廉選其忠謹者令教民畜牧羣息羣居永平薊州通州者就留本處居眞定定州者更番赴順天教牧會六師歲出擊胡賣歲納駒急軍民至鬻子女妻莫能存仁宗聞大痛之責官爲贖還寬賣駒令管諭兵尙書李慶曰今太僕馬增倍而畿民或一夫有畜至三四匹者畢力於此故有耕桑盡廢衣食不給甚可憐閔其以分給諸衛及臨邊戍卒俾牧養兼習以待用庶軍民

明書卷七十二

七

兩便焉尋慶上言今民馬益蕃散衛伍採用然且千餘羣今遼近方面朝覲官咸集請員給馬一匹令太僕歲徵駒如民間稍寬民下廷議義原吉皆如慶議報可獨大學士士奇入力陳其不可曰朝廷以禮徵賢者授方面郡守大者百執事今役之牧馬云蘇民困是何其貴民而賤官也且馬豈官所宜牧又賤官貴馬矣時義原吉皆在侍上曰士奇論當農無識兩人亦言其便何也對曰初慶與臣等言陛下意如此上曰慶幾誤朕少選批罷矣居兩日批不下士奇復請曰日陛下許臣罷給馬之令今中輟何也此令行將天下懷才抱德者望望然去矣若馬死責償將入

皆破家爲子孫憂况所散馬僅三千匹而令朝廷負此名於天下此其失非小幸立斷上曰偶心之行批矣無何上御恩善門召士奇曰內批豈誠忘之昨卿言未脫口慶等已責有忿言朕念卿孤立故持之今有名矣因出陝西按察使陳智章示之智疏言按察司所以肅庶官貞百度而太僕寺得臨之就徵駒與下民等將憲糾掃地於是止散馬之令士奇咸泣頓首曰昔人言陛下知臣臣不孤矣宣德中太僕寺請遣官覈馬上召諭之曰馬畜於民必寬民力而後可責之馬國家法有定科然屢下令羣生不及數者免償念不欲以馬故傷民夫民終歲勤勞營衣食不給

明書卷七十二

七

必責償馬何痛而不德也爾等其謹率舊典從事而恤貧難民宜從寬成化中河南兩直隸早詔免今歲比軋羣生馬十五年罷科道官京營視馬第令各營總兵等官監視弘治中太僕卿王壽條馬政謂邊自牧馬不宜仰給京師及寄養馬收其老者勿累民養馬以殷實者養之餘戶助芻豆勿輪養并諸馬官之陞遷馬軍之乾沒上皆俞行之嘉靖中詔本兵言順天府屬故論地養馬近年牧地多歸豪右而馬疲死責養馬者償應天府屬故論丁養馬近駟馬止解馬直而種馬倒失復令民買補民困甚其議處以聞先是昌平羅虜變停派諸寄養馬後太僕卿劉朝佐請

復之上曰昌平密邇京師陵寢重地宜永停不派而部議止再停七年從之穆宗隆慶中太常卿武金言種馬之設原爲孳生備用今備用馬既以別買則種遂可省且種馬有編審雜役點視歲例支兌輪養賠償之害重之以官吏之需索里甲之影射民日益勞治襲至今滋弊尤甚乞命兵部驗記每年應解之馬若干某處若干俱照原數買馬按季查解如備用馬已足二萬則令每馬折銀三十兩輸太僕寺各邊缺馬分發估買折價可買戰馬二匹不必加賦而馬數自倍且令各地方取前所養無用之種馬盡賣以輸兵部如一馬定價十兩則直隸河南山東十三府可

明書卷七十二

五

得銀百二十萬其草料令各府州縣每馬折銀二十兩計又得銀二十四萬夫戰馬之數解俵之丁不變舊制而邊餉獲急用之資百姓免無窮之害足國裕民無踰於此而御史謝廷傑言孳生種馬乃祖宗舊制軍機所關但當修法以除弊不當因弊而廢法萬一有警無可調發告將誰歸金議非是并下兵部部主廷傑言上獨可金奏令賣種馬之半如金言而存一半擇殷實者養馬而已賣者助之後萬厯中大學士張居正條議盡賣種馬而革者盡矣以革爲可而是之者兵尙書梁夢龍御史余有年也以革爲不可而力排之者寺臣顧存仁御史馬朝陽兵尙書譚綸

也種馬既賣於是行俵解法每徵糧五百畝領官馬價三十買解太僕不中式者撥回再買民苦甚懷宗時馬價騰踊上憫百姓賠累乃增價至五十六兩尋又以五十六兩官可得馬而無累民遂定官買官解之例官不恤民雖批僉衙役名而其實仍累民民益困先是成化中詔覈霸州草場太僕卿儲瑾言陛下興修馬政從羣議雖仁壽宮皇莊及壽王府莊亦宛轉上白退還團營牧放誠顧念遠大而不以微利故傷國計也臣前往霸州丈量時見工部遣官踏勘羣草場廢弛時渾河橫流散漫漲羣落族生放牧不到其時言利之臣因其土之所產而稅之亦一時之

明書卷七十二

六

權利而可矣今既漂廢又復查理是重稅之也夫羣落等用較之放牧熟急况草場設自永樂初羣落等課自近年始耳其地卽草場之地也又况渾河改徙不生羣落復有可徵之稅哉幸上豁除其牧地乞在所出勝開爲項畝有侵占者聽舉首以杜弊端仍申奏討之禁弘治中兵尙書馬文升言國初中外衛所各有牧地而在京師不下千數頃夏秋牧放郊坰冬春支料飼啖而後馬壯可用也今無慮爲親藩勢要所占間爲軍民冒耕馬無所芻牧入場未一二月移往西山中四散逐牧而調用騎操無馬乞清查以便軍於是命給事中御史并戶兵二部官清理草

場未墾處仍舊牧放已墾成田者計畝收銀發太僕寺庫候買馬爲著令當是時陝西牧馬草場止存地六萬六千頃有奇養馬軍止七百有奇牧養見馴騾馬止二千八百匹有奇而馬政頹敗都御史楊一清講故典興復之奏黜卿寺之不職而簡布按二司參政副使薦補卿少卿絳轅大更於是六苑地清復草場十二萬八千頃有奇清何撥補召募改編養馬軍二千三百名有奇銀買茶易若茶生馬并駒凡萬有千八百匹有奇修馬營城堡十有九處創復公署倉廩馬廐室宇四千一百餘所其西甯洮河三衛茶馬法久弛自弘治十年至十五年茶易馬五千四十三

明書卷七十二

七

匹而邊馬乏軍買馬大困一清奏復金牌舊制金牌制自洪武時立茶馬司於陝西四川等處聽西番納馬易茶降金牌信符賜番族以防詐僞每三年一差官召各番合符以應納差撥馬交納易茶有以私茶出境及關隘不覺察者處極刑民間畜茶不得過一月之用茶戶私鬻闖入官正統十四年停金牌惟令番族以馬來易至是一清申復其制禁私販積官茶四年間共易馬萬九千七十餘匹而茶尙積四十五萬餘斤靈州大小鹽池增課引五萬九千有奇引納銀二錢五分及臥引銀一錢計爲銀二萬七百餘兩貯慶陽固原庫給買馬於是均諸苑地及軍牧馬三

萬餘足支陝西三邊之用而邊馬大紓一清懼復無專官復圮正德初具疏言陝西沿邊皆防虜重鎮軍務所急莫先於馬項自虜塵弗靖戰馬告乏荷蒙孝宗皇帝采納廷議專設風憲重臣督理馬政臣以庸劣猥當任使隨命兼理茶法顧廢墜既久事難更新盡臣之心不敢有還虛租皆就緒則責任專而事易集也自藉巡撫以來顧此失彼已不如前復蒙加任總制經理邊方責任重大於監牧茶馬之政勢不能復及矣竊惟先年兩寺馬政巡撫兼管而巡茶御史實主茶馬巡撫政事繁多以致茶馬所易良馬莫究操騎所給發登耗莫聞本末始終茫不相攝亦勢使

明書卷七十二

八

然也夫茶司之所易卽監苑之所收監苑之所收卽官軍之所給本爲一事伏乞仍設巡茶御史務選年深老練實心幹事之人以充仍敕兼理馬政行太僕苑馬等官導聽提調約束各衙門毋與便於是巡茶御史兼馬政制不得預民蓋始於此事已遼陽苑馬卿凌相言承案問本寺撥領牧養馬匹給有草料額軍養馬二匹軍餘一匹所轄昇平等十二苑自遼陽至復州皆屬正統末裁十苑止留清深二苑隸蓋復而當時馬尙及萬數自後俵給既多而弊作馬一倒失及虧欠駒子往往買補兒馬備其數監苑官吏位輕志下潛與通賄而孳生虧耗極矣今各軍餘有全

不養馬者有止養兒馬二三匹者又有養驛馬二三匹復帶駒者其全不養者其貧雖甚不思買補荷觀恩貸不則狡猾納賂主者盡依他軍倖便其止養兒馬者多家殷實懼訐告不敢不養又畏徵駒借此影射其養驛馬帶駒者其柔弱之人不善負緣而監苑官吏假公責併俵給不及其人徵駒歲倍其數展轉無已亦不均甚矣莫若通計二苑馬查堪孳牧者盡留兒馬及餘老弱與收買驛馬均派各軍領養後生駒可離母即撥無馬軍養之五年一清則人無所規避矣上然之後給事中謝汝儀條京衛下場之害言京衛軍歲存夏於畿甸下場牧放成一舉而兩草

明書卷七十二

五

場地土爲勢要奏討姦人投獻者殆盡獨低窪處又積爲湖淀慢生萑葦人馬皆不可近又無廬次可以棲止無廐序可以蔽蓋馬買草而喂人裹糧以從軍士逃亡馬匹倒死雖有下場之名殊無牧放之實蓋法敝極矣近襄城伯李全禮奉敕領下場馬二千餘匹牧放隨又以聽征馬六千益之馬以萬計芻牧無所矧大雨時行暑氣方溽泥濘遍野鬱蒸中人羣處則有疫癘之虞露宿則有蟲蛇之害人因馬病是徒徇節省之名而坐受虧損之害也萬一畿甸有桴鼓之警邊關有烽火之報將何以待之乞敕兵部會同坐營官熟計其便將聽征馬責軍人就便牧放月給

半料無下場隆慶中御史張綱言大名真定二府計畝出糧以養馬而今復有馬地餘銀之徵蓋起於正德間爲流賊之亂額外權立此名徵銀市馬其後遂因而不革非經制也請悉蠲之上從之而復有鹽馬始正統三年命召商納馬中鹽每上馬匹一百二十引中等一百引下勿收復有貢馬凡貢馬累朝皆有之每外夷進馬照價償以文綺紗羅陶器鐵釜又有市馬起永樂三年立遼東開原廣甯馬市定價上上馬絹八匹布十二匹上馬絹三布五下馬絹二布四騎絹一布二其立市一於開原城南以待西海女直一於開原城東一於廣甯以待朵顏三衛每開市各

明書卷七十二

五

夷將馬匹及貨物赴官驗易嘉靖三十年辛亥春詔開馬市時西虜俺荅求貢朝議不許入春請求益數成酋侯仇鸞雖聲言北伐實內畏怯上言請許入貢於宣大開設馬市虜馬一匹償幣如值乃密遣廝養時義結俺荅義子脫脫使俺荅以貢馬互市爲請俺荅利貨幣投書於宣大總督蘇祐言求通市祐以書上聞上以雜議鸞力主之兵衛書趙錦是鸞議上以問大學士嵩嵩奏以一年許市二次上然之乃遣兵部侍郎史道兼都御史諸處聞市而實鸞先許虜大掠飽颺也時兵部員外郎楊繼盛極言聞馬市不可且歷數鸞欺罔罪疏詳楊傳中疏入下繼盛獄詔貶

邊秩遂令於宜府大同開馬市以道往督理之初議市馬謂以幣易虜馬我得馬爲用且少彌目前虜患其後虜請遂以贏索重價每開市虜騎大至因緣爲姦利如大同寇宜府如宜府寇大同甚至朝市暮掠幣未入境虜信且至旋并掠其贏馬而去又虜日往來大同城諸營堡及三邊牆被其侵掠邊卒或拒之輒曰奉命來貢自是士卒不復出戍而虜遂長驅各邊矣史道又建言虜無馬者許以牛羊市償以粟麥言官交章論沮又請復遼東市巡撫都御史許宗魯極言不可乃止未幾邊防大潰驚懼禍及乃請罷市許之而附驥之史道亦撤還隆慶辛未俺荅款塞乞

明書卷七十一

三

封通貢詔封爲順義王遣參將鄒沂等封賞之而宣大何書都御史王崇古請復馬市其後東事起需馬急雖北邊屢有侵掠而朝廷資其馬多含忍終市之聽民互市而不盡者官給價收焉舊制營馬給兵者皆給芻豆賞各兵自飼而官驗其肥瘠爲賞罰懷宗時大學士楊嗣昌奏行團槽法創大聯廐於都城東凡營馬悉收公養之名曰團槽喂養所騎非所養兵不惜馬力所養不自乘牧人不能均馬力而馬多斃營馬遂虛矣於是責俵解急而民大困國亦亡○制太僕寺領清河金臺等六監常春順義等二十四苑順天五州二十二縣金吾等二十三衛直隸保定真

定順德廣平永平大名河間各州縣河間等三十二衛滄州武定二千戶所大甯都司所屬衛所山東濟南兗州東昌各州縣河南開封七州縣彰德一州三縣衛輝六縣歸德止考城一縣南太僕寺轄十四牧監九十八羣在京應天府八縣在外鎮江三縣甯國南陵一縣太平三縣廣德州鳳陽四縣淮安州縣揚州三州六縣廬州二州五縣滁州二縣和州一縣徐州四縣滁州一衛遼東行太僕寺轄定遼等二十五衛遼東苑馬司轄永甯監清河深河二苑山西行太僕寺轄太原等十衛保德州等五所陝西行太僕寺轄平涼等四衛陝西苑馬司轄長樂監下開城等五

明書卷七十二

三

苑靈武監下清平衛三苑同川監下天興等四苑威遠監下武安等四苑熙春監下康樂等四苑順甯監下雲驤等四苑甘肅行太僕寺轄甘肅等十二衛古浪等三千戶所甘肅苑馬寺轄甘肅監下廣牧等四苑祁連監下甯甯等四苑武威監下和甯等四苑安定監下武勝等四苑臨州監下暇州等四苑宗水監下美都等四苑○種兒驛馬原額則北直五萬三千九百七十五匹南直隸共三萬七千五百匹河南共二千六百四十五匹山東共三萬七百八十四匹直隸論糧養馬每地五十畝養兒馬一匹一百畝養驛馬一匹該免養馬糧七萬七千四百九十九項五十一畝零

河南山東諭丁養馬每五丁養兒馬一匹每十丁養驥馬一匹共該除豁養馬丁四十二萬八千五百三十二丁在京龍驤等二十六衛原額種馬一百九十五匹在外保定等四十六衛原額馬二百七十匹○寄養備用馬順天保定河間三府計五萬八百八十八戶實養者二萬一千八百五十八戶餘除單丁寡婦殘疾及陵道不養外則按戶給馬○太僕寺所領草場地直隸共地二萬四千三百二十頃八十六畝零河南共地八頃六十三畝山東共地二百頃五十三畝南太僕寺所領草場地南直隸共地五千五百三十一頃八十六畝零在京營衛草場地五千九百

明書卷七十二

五

一十六頃一十八畝零而永陵以後衛無原額可考在外衛分草場地直隸衛所共地三百五十六頃八十七畝零山東衛所草場地六十三頃四十九畝零各邊草場地八萬頃萬歷二年以宣大陽和開市增草場六處無原額除放牧荒蕪餘可種耕者徵子粒銀解太僕寺備買馬之用而時歲緒不常無定額○俵解備用馬每歲額以春秋二運上太僕則大名府二千一百七十六匹乳馬七匹保定府一千五百八十九匹乳馬八匹順德府七百四十三匹乳馬五匹廣平府七百五十四匹乳馬五匹真定府三千五百二十七匹乳馬十四匹河南開封府二百五十七匹彰

德府二百三匹衛輝府八十三匹歸德府考城縣六匹山東濟南府二千六百六十八匹兗州府一千八百一十二匹東昌府六百七十六匹在京在外各衛所歲各一匹南直隸歲額馬七千四百五十六匹八分實徵馬三千四百六十一匹餘每匹折銀三十兩起解

驛馬之制明初改南京公館為會同館永樂初設會同館於北京三年併烏蠻驛入會同館正統中定為南北二館北館六所南館三所各設馬一百七十二匹天下設驛九百五十有九大驛馬百匹小驛五十匹其無驛州縣曰走運馬多至八十匹少至十匹五匹其錢糧皆出於陞處丁

明書卷七十二

五

畝而衛禁則以附近州縣協濟之其行於驛傳曰勘合曰符驗曰火牌曰馬票凡四等而各以按察官領之曰驛傳道以驗馬之壯弱均地方之苦累總馬政令而土之兵部而驛馬之制則應合給驛有例應付腳力有例填給勘合有例自非特遣齎賀軍情運事例不得輕乘驛馬滋擾凡制一驛必先踏勘工部營造吏部銓官禮部鑄印給一符牌必嚴銷繳內關內府兵曹外關無按稽留詐冒有常刑而馬乏則用驛驢水路有船視馬驛天下設遞運所一百四十有六有車與夫輿驛馬相表裏云

明書卷七十三

靈壽傅維鑾纂

志十五

刑法志

史官論曰昔舜命皋陶曰刑期於無刑皋陶亦曰與殺不辜甯失不經乃君子儀度其心有誓叟殺人而必治帝堯三宥而不從何也惟仁乃能執法推執法乃可期無刑也故天以陽生萬物止之以秋聖人以仁育萬民肅之以刑人之生也欲動情溢利害相攻不止則賊滅無倫焉是刑也者聖人承天之道知人之盡所以防非訖欲長利已患

明書卷七十三

一

制百姓於禮義之中而因以弼教至於無刑而聖人之心乃愜故先之以敬讓而民不爭宥之以博愛而民知德導之以和睦而民知讓播之以禮樂而民服化然且象之以五虐之刑使民知所警而勿之有犯豈非御世之大德法天之微權禮樂刑政四達而不悖者乎總之以仁心爲質而已則刑法之設其本原於好生而其用取之難犯吾民不犯於有司則生矣狎焉而入之雖求其生不可得故難犯之具非曰必加之也明布而頒示俾警其心慎其行而上之刑乃備焉而不用明刑乃所以措刑也訖於威則人不得因貴而驕訖於富則人不得因滿而溢故以律繩人

明書卷七十三

二

卽古懸法象魏之意清風戒寒而授衣乘屋秋固天所以用成物耳刑官之爲秋官也可以知其義矣無春生無夏長則秋曷從而成民罹於刑由所以養之失也君子重哀矜焉其嚴也不得已也以哀矜之心司不得已之法則服念要囚必明必允而不敢肆卽當罪猶撤樂者嗟下大禹之泣曰教未施而刑加焉是予納之溝中也所云好生之德非耶惟有仁而刑乃可用焉明太祖制律垂蒞深體刑期無刑之心雖當濁亂之餘不能無殺戮而誥誥更定律令至於五六乃慎之又慎仁意翔流累朝寬大多所矜恤雖其間有三廛之設爲日未久旋已報罷穆神之間百年

無呼號之慘市無死人之血刀鋸置而不用矜歟休哉降及嘉宗以庸庸之主立於上權璫播猷彪虎噬人忠良之士驕首飲泣而祖宗之法紀祇爲報復之資至於季年上好明察下多殘暴冤慘憤塞以抵滅亡然在朝廷未嘗無解網之心而刑官實多周內之舉上有德愆而下不奉行朝布仁言而暮已閹隔甚且揣摩意旨以入之挾匿私怨以中之設鉤黨制非刑以重毒之皆此三五宵小橫干天和之所致也嗟乎陽生之氣盡而歷數困之刑獄之間豈細故也永思仁德庶乎其無刑哉因摭明朝寬猛之政及律意大凡著於篇而赦宥皆詳本紀中使後世詳刑者得

洪武六年冬十有一月受詔明年二月書成篇目一準唐舊自名例以至斷獄十九篇中採用已頒舊律二百二十八條舊令改律三十六條因事制律三十一條援唐律補遺百二十三條合六百有六條爲三十卷每一卷成輒繕寫上上揭之西廡壁端親御翰墨爲之裁定聖慮淵深稽天撥人成百代之憲具易書之奧好生之德洽於民心日月所照霜露所墜有血氣者莫不改過遷善臻雍熙之治何其盛哉詔頒行尋定設六部復更定以吏戶禮兵刑工爲六類析篇目爲十九約條爲四百六十先是篇目曰名例曰衛禁曰職制曰戶婚曰版庫曰郵驛曰賊盜曰關訟

曰納米曰運灰曰運甓曰運炭曰運石各以罪之輕重爲多寡老疾少皆納贖在外納贖三等曰無力依律的決曰有力照例折銀穀曰稍有力納工價惟眞犯死罪不許贖獄具凡七曰笞曰杖曰訊曰枷曰杻曰索曰鑰諸委曲詳盡緣情制典無不周到而上覽之猶有未愜謂胡惟庸汪廣洋等曰古者風俗厚而禁網疎後世人心漓而刑法密是以聖王貴寬不貴急務簡不務煩夫立法得中然後可以服人心而傳後世昔蕭何作漢律九章張湯猶得以私意亂之况始未盡善豈能久而無弊今律有嚴擬未當者卿等可詳酌更定務合中正仍具存平者以聞於是惟庸廣洋等復加考訂釐正者凡十有三條上曰善於是詔刑部曰昔聖人以德化天下則民樂從者眾否從者寡天下治矣然聖人之心必欲使天下皆爲善而無患共樂天之樂其思治之心切故又張刑治具以齊否從者既而法行實當其功罰當其罪則民從善愈臻否善者無寰宇氣和天地清寧可謂咸亨於戲相繼之君臣罔知大道務小惡而傷大德特用刑以治之法不如前故奸者得以恣肆良者含冤而受暴是後歲月彌深不法者眾如法者鮮矣必欲治之不可得而速成也國有大病而可畏者一謂愚仁人者也愚名名者皆是也蓋愚人仁不仁愚名沽名名斯

以爲國大病故治國者必擇人以治刑朕於此必欲以人而執法若非仁人執法則國務繁由此而生爾敬慎體道哉母偶焉夫謂之執法非止不濫獄也又非止不徇情託不徇愛憎也君曰辟臣曰勿辟君曰宥臣曰勿宥惟當功當罪之爲務不可則止謂之沽名寬縱沽長厚之名豈烈沽風力之名也天下所共惡者君曰勿辟刑官曰宜辟卒願旨而不辟天下所共矜者君曰勿宥刑官曰宜宥卒願旨而不宥乃藉口不激以自解攘善於己而過則歸君豈非人之不仁國之大病哉洪武十七年詔建三法司於太平門鐘山之陰命之曰貫城下敕言貫索七星如貫珠

明書卷七十三

六

環而成象名天牢中虛則刑番官無邪私中有星卽刑繁有星而明爲貴人無罪而獄今法天道置法司兩法司官各屬乃心慎乃事法天道行之如貫索星之中虛庶不負朕肇建之意欽哉已上念元政弛人玩吏民汙夷俗者久而反側未盡平必紀綱肅而後惠政可從施也頗用重典以肅姦又異時見食殘吏殃小民深痛意恨之於種詠尤嚴天下懍懍十九年倣周大誥作大誥昭示禍福喻所爲震刷剴磨之意於天下令誦習畏法序略言古田在於官官法井以給田民驗丁以受田農無曠夫游食者少士農工受田之日驗能準業名知稼穡之艱難四民專務以三

而士取諸農商出於農行賈於農隙此王教之精也民用鄉德五福鄉應今朕不大不能申明或古先帝王之舊愚夫愚婦效習夷風彝倫不敘是致壽非壽富非富康寧不自如攸好德鮮矣考終命罕聞本古五刑而不治雖出五刑誅之亦何惡焉今復出是誥大播寰中敢有不遵者以其罪罪之而較刑曹庶獄論當訖因有大誥者減等無有加等欲人喻戶曉爲福壽之資已以大誥行良民遵奉欽敬之心如流趨下中惡之徒欲遷善而不能唯是好頑輕生易死犯若尋常仍蹈前非不旋踵發覺及禍也作續大誥三篇訓切之諄懇至於此曉讀老子書親注之見其中

明書卷七十三

七

云民不畏死奈何以死懼之惻然感遂霽威從寬先是天下臣民有犯俱令屬法司其有重罪悉至京者或令收繫錦衣衛下鎮撫司推鞠用事者因而以非法凌虐上聞之怒曰訊鞠法司事也負重罪來先付錦衣欲得其情耳豈令鍛鍊耶取刑具悉焚之悉以所繫囚送部臺審理命法司論因擬律奏聞從翰林院給事中及春坊正字司直郎會議平允然後覆奏論決又敕法司言凡罪人當籍其家者如謀叛奸黨造偽鈔之屬則沒其貲產丁口餘者止收貲產而不孥仍以農器耕牛還之俾爲衣食之本已置政平訟理二篇論罪因上諭刑官曰人言法家少恩此後世

用法之過朕觀唐虞之世好生之德洽於民心安有是言爾等每論囚引至朕前雖詳其致罪之由然一時裁決恐未得其情自今惟武臣死罪朕親審餘引奏詣承天門外命行人持訟理幡出欲自理者聽人訴諸無罪當釋者持政平幡宣德意遣之其在重辟府部院六科通政司詹事府雜流之審錄其冤狀以聞上嘗與刑尙書楊靖學士劉三吾曰自今惟十惡及真犯死罪論死餘令輸粟助邊力不及者或二人或三人併力輸運仍令還家備費以行三吾對曰聖心仁恕垂念及此罪人受更生之恩矣上曰愚民犯法如啗飲食嗜而不知止設法以防其犯而犯者益

明書卷七十三

八

多推恕以行仁仁或可有濟乎三吾曰三代而上刑罰常簡本仁恕也三代而下刑法常濫以嚴刻也上曰善爲國者惟以生道樹德不以刑殺立威三十年詔刊布大明律律益詳慎先以名例吏律二曰職制曰公式戶律七曰戶役曰田宅曰婚姻曰倉庫曰課程曰錢債曰市廛禮律二曰祭祀曰儀制兵律五曰宮衛曰軍政曰關津曰廩牧曰郵驛刑律十一曰盜賊曰人命曰關防曰罵詈曰訴訟曰受贓曰詐僞曰犯姦曰雜犯曰捕亡曰斷獄工律二曰營造曰河防而雜罪名及獻決伸恤贖役檢驗諸政明列之而以條令大誥附其中上親製序言朕有天下做古爲治

明禮以導民定律以繩頑著令久矣而犯者相繼於是出五刑酷法以治之欲民畏而不犯作大誥昭示使知所避又有年然法律在有司民不周知特敕六部都察院將大誥內條目撮要刪傳律他禁例盡革刊布中外使臣民知所遵守焉而祖訓首章言朕自起兵至今三十餘年理天下庶務凡善惡情僞靡不備歷中奸頑之徒情犯深重灼無疑者令法外用刑意使人知警而不敢易法然此時權用非守成之君所宜用常法也今後子孫止守律大誥並不許用黥刺劓割之法云何嗣君生長內宮人情善惡未能周知恐一時施用不當誤傷良善臣下敢有

明書卷七十三

九

奏用此刑者文武羣臣卽劾奏論凌遲處死中又言凡聽獄訟貴明不明則刑罰不中久天必怒焉有大獄當面訊防撓陷鍛鍊之弊益慎重至矣先是刑尙書開濟言聖明治在復古事務簡要今諸郡縣刑贖動千萬言類泛濫失本實盡禁之土曰虛辭失實浮文亂真自今有以繁文出入人罪者罪無赦命刑科會諸司造議獄贖式示中外已上諭濟言凡論囚當原情毋刻深蓋人命至重當存平恕之心猶恐失之况深文乎昨民有子犯法父行賄求免者有司欲并論朕以父子至親子論死而父救之情也故但論其子而赦父自今凡論獄必詳獻覆奏而後論毋重傷